

քաղ. երևան

«07» *depy* 2013թ.

Հայաստանի Հանրապետության էներգետիկայի և բնական պաշարների նախարարությունը՝ ի դեմս նախարար ԱՐՄԵՆ ՄՈՎՍԻՍՅԱՆԻ, որը գործում է Հայաստանի Հանրապետության անունից, իր լիազորությունների սահմաններում (այսուհետ՝ լիազոր մարմին) մի կողմից, և «ՄԱՐԶԱՆ ՄԱՅՆԻՆԳ ՔՈՄՓԱՆԻ» ՍՊԸ տնտեսավարող սուբյեկտը (այսուհետ՝ ընդերքօգտագործող), ի դեմս տնօրեն ԱՇՈՏ ՊՈՂՈՍՅԱՆԻ, որը գործում է ընկերության կանոնադրության հիման վրա, մյուս կողմից, ղեկավարվելով Հայաստանի Հանրապետության քաղաքացիական օրենսգրքով, Հայաստանի Հանրապետության ընդերքի մասին օրենսգրքով (այսուհետ՝ օրենսգիրք) և այլ իրավական ակտերով, համապատասխանաբար նախարարության և տնտեսավարող սուբյեկտի կանոնադրություններով և հիմք ընդունելով Հայաստանի Հանրապետության օրենսդրությամբ սահմանված համապատասխան փաստաթղթերը, հանքավայրի տրամադրվող տեղամասի շահագործման նախագիծը, կնքեցին սույն ընդերքօգտագործման պայմանագիրը (այսուհետ՝ պայմանագիր):

## 1. Ընդհանուր դրույթներ

1.1 Պայմանագիրը նախատեսում է հանքավայրը կամ հանքավայրի տեղամասը շահագործման տրամադրելու պայմանները և ժամկետները, լեռնահատկացման կոորդինատները, կողմերի իրավունքներն ու պարտականությունները, վճարների (բնօգտագործման, բնապահպանական, բնության և շրջակա միջավայրի պահպանության դրամագլխի համալրման, մշտադիտարկումների իրականացման) վճարման վերաբերյալ դրույթներ, բնապահպանական կառավարման պլանը, ընդերքօգտագործման իրավունքի դադարեցման (զգուշացման, հրաժարման, փոփոխության), համայնքի սոցիալ-տնտեսական զարգացման ոլորտում ստանձնած պարտավորությունների չափի և կատարման ժամկետների վերաբերյալ, հանքի փակման հետ կապված դրույթները, ինչպես նաև նրանց փոխհարաբերությունները կարգավորող այլ պայմաններ:

1.2 Պայմանագիրը բաղկացած է հիմնական տեքստից և N 1, N 2 հավելվածներից, որոնք կազմում են պայմանագրի անբաժանելի մասը:

1.3 Պայմանագրով չկարգավորված հարաբերությունները, այդ թվում՝ կողմերի այլ իրավունքները կարգավորվում են օրենսգրքով, ինչպես նաև ոլորտը կարգավորող այլ իրավական ակտերով:

## 2. Պայ մանագրի առարկան

2.1 Պայ մանագրով՝ Լիագոր մարմինն ընդերքօգտագործողին տարեկան

50.0 հազ. տ օգտակար հանածոյի պաշարների մարման (օգտակար հանածոյի քանակը, մ<sup>2</sup>, գ/տ)

համար ժամանակավոր տիրապետմանն ու օգտագործմանն է հանձնում 2009 թ փետրվարի 20-ից 5.3 տարի ժամկետով (հիմք ընդունելով ՀՀ վարչական վերաքննիչ դատարանի ՎԴ/3361/05 վարչական գործով 2011թ դեկտեմբերի 12-ի որոշումը /ուժի մեջ մտած ՀՀ վճռաբեկ դատարանի 2012թ փետրվարի 2-ի որոշմամբ), իսկ ընդերքօգտագործողն ընդունում է

ՀՀ Սյուռնիքի մարզի Մարջանի ոսկի-բազմամետաղային հանքավայրի (հանքավայրի անվանումը)

1, 2, 6, 6ա և 7 հանքային մարմինների /փորձնական բացահանք/ վերին շերտերը՝ մինչև 20մ. խորու թյամբ

(տեղամասի անվանումը)

հաշվեկշռային պաշարներն օգտագործման ամբողջ ժամկետի համար 168540.0 տ

### ըստ C<sub>1</sub>+C<sub>2</sub> կարգերի

(հիմնական և ուղեկից օգտակար հանածոների քանակները՝ ըստ կարգերի)

որոնք հատակագծի վրա և ըստ խորու թյան սահմանափակվում են հետևյալ կոորդինատներով՝

1.X=4365000 Y=8570000 2.X=4366800 Y=8572000 3.X=4363770 Y=8574530  
4.X=4360400 Y=8575250 5.X=4360000 Y=8572700

(տրամադրվող պաշարների սահմանների ծայրակետային կոորդինատները)

ըստ C<sub>1</sub> կարգի Au-2.39գ/տ, Ag-84.4գ/տ, Cu-0.11%, Zn-0.88%, Pb-1.29%

ըստ C<sub>2</sub> կարգի Au-4.47գ/տ, Ag-92.5գ/տ, Cu-0.16%, Zn-1.02, Pb-1.24%

(հիմնական և ուղեկից բաղադրիչների պարունակությունը %, գ/տնայլև)

### Ոսկի-բազմամետաղ

(օգտակար հանածոյի պաշարների տեսակները (տարատեսակներ)

(օգտակար հանածոյի Լեռնային զանգվածից հանքարտադրատեսակի ելքը)

Լեռնահատկացման սահմանները հատակագծի վրա և ըստ խորու թյան համաձայն Լեռնահատկացման ակտի թիվ LՎ-398 (ակտի համարը)

Պայ մանագրի N 1 հավելվածով նշվում են ընդերքօգտագործողի \$ինանսական առաջարկները և նրա կողմից վճարվող ընդերքօգտագործման վճարները:

Պայ մանագիրն ըստ անհրաժեշտության կարող է ունենալ նաև այլ հավելվածներ՝ օգտակար հանածոյի արդյունահանման և հումքի վերամշակման աշխատանքների ժամկետները, ըստ փուլերի, իսկ զուգահեռաբար երկրաբանական ու սոսմնասիրության աշխատանքներ կատարելու դեպքում դրանց կատարման ժամանակացույցի:

2.2 Լիագոր մարմինը երաշխավորում է, որ պայ մանագրի 2.1-ին կետում նշված հանքավայրը կամ հանքավայրի տեղամասը գրավ դրված, վարձակալության, անհատույց օգտագործման տրված չէ, կառուցապատված կամ կառուցապատման իրավունքով ծանրաբեռնված չէ, ինչպես նաև արգելանքի տակ չի գտնվում:

2.3 Պայ մանագրի գործողության ընթացքում հանքավայրի օգտագործման արդյունքում ընդերքօգտագործողի ստացած շահույթը նրասեփականությունն է:

### **3. Կողմերի իրավունքները և պարտականությունները**

#### **3.1 Լիազոր մարմինը իրավունք ունի՝**

3.1.1 ընդերքօգտագործողից պահանջել ու հանքավայրը շահագործել ընդերքի օգտագործման և պահպանության բնագավառում ընդունված ստանդարտներին, նորմերին ու կանոններին համապատասխան.

3.1.2 գրավոր զգուշացնել ու վաղաժամկետ լուծել ու պայմանագիրն օրենսգրքի 30-րդ հոդվածի համաձայն.

3.1.3 ստուգել ու ընդերքօգտագործման ընթացքում երկրաբանական և մարկշեյդերական փաստագրության վարման լիարժեքությունը, օգտակար հանածոների պաշարների շարժի հաշվառման իրականացման և տեղեկատվության ներկայացման սահմանված պահանջների կատարումը.

3.1.4 ստուգել ու ընդերքօգտագործման վճարների օբյեկտ համարվող փաստացի ծավալների, չափաբանակների, վճարների հաշվարկման և հաշվարկ-հաշվետվությունների ներկայացման կարգի պահանջների կատարումը.

3.1.5 ստուգել ու ընդերքօգտագործման պայմանագրով նախատեսված պարտավորությունների և նախագծի պահանջների կատարումը՝ բացառությամբ բնության և շրջակա միջավայրի պահպանության ոլորտում բնապահպանության բնագավառի պետական կառավարման լիազոր մարմնի իրավասությունների.

3.1.6 պահանջել ու ընդերքօգտագործողից օգտակար հանածոների պաշարների լիակատար կորզում և հիմնական ու համատեղ գտնվող օգտակար հանածոների և դրանց ուղեկցող բաղադրամասերի ողջամիտ և համալիր օգտագործում կամ դրանց պահեստավորումն ու պահպանումը.

3.1.7 պահանջել ու ընդերքօգտագործողից ընդերքօգտագործման իրավունքի ժամկետը լրանալուց հետո կամ դրանից հրաժարվել ու դեպքում նրանց տնօրինման տակ գտնվող երկրաբանական տեղեկությունը 3 ամսվա ընթացքում հանձնել լիազոր մարմնին.

3.1.8 իրականացնել ու ընդերքի տրամադրված տեղամասում երկրաբանական ու սումնասիրություններ, բացառությամբ օգտակար հանածոների հայտնաբերման նպատակով, այդ մասին առնվազն 14 օր առաջ գրավոր իրազեկելով ընդերքօգտագործման իրավունք կրողին.

3.1.9 ստուգվող սուբյեկտի ներկայացուցչի մասնակցությամբ անարգել մուտք գործել ու ստուգվող սուբյեկտի գրասենյակային, արտադրական, պահեստային, լաբորատոր և այլ տարածքներ ու ստորաբաժանումներ.

3.1.10 ստուգման ընթացքում ստուգվող սուբյեկտից պահանջել ու փաստաթղթեր, տվյալներ, բացատրություններ, տեղեկանքներ, ինչպես նաև վերցնել ու փորձանմուշներ, կատարել ու կապարակնել ու և չափագրումներ, որոնք անմիջականորեն առնչվում են ստուգման նպատակներին.

3.1.11 ընդերքի օգտագործման և պահպանության պետական վերահսկողություն իրականացնել ու տեսչական ստուգումների, ստուգումների և ուսումնասիրությունների միջոցով՝ «Չայաստանի

Հանրապետությանը ունում ստուգումների կազմակերպման և անցկացման մասին» Հայաստանի Հանրապետության օրենքով սահմանված կարգով և ընդերքի մասին Հայաստանի Հանրապետության օրենսգրքի դրույթներին համապատասխան:

### **3.2 Լիազոր մարմինը պարտավոր է՝**

3.2.1 ընդերք օգտագործողին սահմանված կարգով տրամադրել հանքավայրին վերաբերվող փաստաթղթերը.

3.2.2 գրավոր իրազեկել ընդերք օգտագործողին առնվազն 14 օր առաջ ընդերքի տրամադրված տեղամասում երկրաբանական ուսումնասիրության աշխատանքներ իրականացնելու համար օրենսգրքի 3-րդ հոդվածի 5-րդ կետով տրված համաձայնության մասին:

### **3.3 Ընդերք օգտագործողն իրավունք ունի՝**

3.3.1 բացառիկ իրավունքով կատարելու երկրաբանական ուսումնասիրության և լեռնահատկացման սահմաններում, իսկ հատկացված ընդերքի տեղամասում՝ օգտակար հանածոյի արդյունահանում.

3.3.2 մտնելու ընդերքի տեղամաս և իրականացնելու նախագծով նախատեսված բոլոր աշխատանքներն օգտակար հանածոյի արդյունահանման և ուսումնասիրության նպատակով.

3.3.3 օգտակար հանածոյի արդյունահանման նպատակով կառուցելու անհրաժեշտ շենքեր, շինություններ, հաղորդակցության ուղիներ, տեղադրելու սարքավորումներ, փոխադրելու և հարստացնելու արդյունահանված օգտակար հանածոն.

3.3.4 տնօրինելու արդյունահանված օգտակար հանածոն.

3.3.5 օրենսգրքի պահանջների պահպանմամբ հանքարդյունահանման իրավունքի ընթացքում օգտագործելու սեփական գործունեության արդյունքում առաջացած արտադրական և ցանկության տերը.

3.3.6 իրեն տրամադրված օգտակար հանածոյի արդյունահանման իրավունքի շրջանակում երկրաբանական ուսումնասիրության և իրականացնելու նպատակով քաղաքացիաիրավական պայմանագրերի կնքմամբ ներգրավելու երրորդ անձանց.

3.3.7 դիմելու լիազոր մարմին օգտակար հանածոյի արդյունահանման պայմանագրի պայմանները փոփոխելու նպատակով, եթե հայտնվել են էապես նոր՝ նախկինում չնախատեսված հանգամանքներ.

3.3.8 վաղաժամկետ հրաժարվելու օգտակար հանածոյի արդյունահանման իրավունքից՝ կատարելով պայմանագրով և օրենսգրքով նախատեսված պարտավորությունները:

### **3.4 Ընդերք օգտագործողը պարտավոր է՝**

3.4.1 իրականացնել աշխատանքներն օգտակար հանածոյի արդյունահանման պայմանագրի և նախագծի պայմաններին համապատասխան.

3.4.2 կատարել լիազոր մարմնի և այլ իրավասու պետական մարմինների՝ օրենսդրության պահանջների պահպանման նպատակով տրված ցուցումները.

3.4.3 պահ պանել օգտակար հանածոյի արդյունահանման, տեղափոխման և վերամշակման ընթացքում Հայաստանի Հանրապետությանը և նրան պատկանող ստանդարտների, նորմերի և կանոնների պահանջները.

3.4.4 ապահովել օգտակար հանածոյի արդյունահանման նախագծի պահանջների կատարումը.

3.4.5 վարել երկրաբանական, մարկշեյդերական և այլ փաստագրություն, պահպանել դրանք ընդերքօգտագործման բոլոր ձևերի աշխատանքների ընթացքում.

3.4.6 վարել օգտակար հանածոների պաշարների ամենօրյա շարժի գրանցամատյանը.

3.4.7 ներկայացնել լիազոր մարմին օգտակար հանածոների պաշարների շարժի վերաբերյալ եռամսյակային և տարեկան հաշվետվությունները.

3.4.8 հանձնել լիազոր մարմնին անհրաժեշտ երկրաբանական տեղեկությունները.

3.4.9 հավաքել, պահպանել և լիազոր մարմնին տրամադրել ուսումնասիրված, արդյունահանված և ընդերքում կորսված օգտակար հանածոների պաշարների, դրանց պարունակած բաղադրամասերի, որակի ու քանակի մասին տվյալներ.

3.4.10 ապահովել ընդերքօգտագործման հետ կապված աշխատանքների կատարման անվտանգությունները.

3.4.11 ապահովել ընդերքի, մթնոլորտի, հողի, անտառների, ջրերի ու բնության և շրջակա միջավայրի մյուս օբյեկտների, ինչպես նաև շինությունների և այլ կառույցների պահպանությունները ընդերքօգտագործման հետ կապված աշխատանքների վնասակար ազդեցությունից.

3.4.12 ապահովել բնության, պատմական և մշակույթի հուշարձանների պահպանությունները ընդերքօգտագործման հետ կապված աշխատանքների վնասակար ազդեցությունից.

3.4.13 ապահովել շրջակա միջավայրի վրա ազդեցության փորձաքննության եզրակացություններ նախատեսված պայմանները.

3.4.14 նախագծի և օգտակար հանածոյի արդյունահանման պայմանագրի համաձայն վերականգնել և բարելավել ընդերքօգտագործման հետևանքով խախտված հողամասերը (ռեկուլտիվացիա), ինչպես նաև դրանք պիտանի դարձնել տնտեսության մեջ օգտագործման համար կամ բերել անվտանգ վիճակի.

3.4.15 տեղեկացնել լիազոր մարմնին օգտակար հանածոյի արդյունահանման պայմանագրում չնշված օգտակար հանածոների կուտակումների հայտնաբերման մասին դրանց հայտնաբերումից հետո՝ 14 օրվա ընթացքում.

3.4.16 նոր հայտնաբերված օգտակար հանածոների արդյունահանումը չիրականացնել ու դեպքում իրականացնել դրա պահուստավորումը կառավարության սահմանած կարգով.

3.4.17 ապահովել հանքի փակման ծրագրի, այդ թվում՝ հանքի փակումից հետո աշխատուժի սոցիալական մեղմացման նախատեսվող միջոցառումների իրականացումը.

3.4.18 ապահովել փակվող հանքի անմիջական ազդեցության գոտում գտնվող համայնքների սոցիալ-տնտեսական մեղմացման նախատեսվող միջոցառումների իրականացումը.

3.4.19 ապահովել օգտակար հանածոյի արդյունահանված տարածքի, արդյունահանման ընթացքում առաջացած արտադրական լցակույտերի տեղադիրքի և դրանց հարակից համայնքների բնակչության անվտանգության և առողջության ապահովման նպատակով մշտադիտարկումների համար նախատեսված վճարի վճարումը.

3.4.20 ոչ ուշ, քան հինգ տարին մեկ անգամ շահագործվող հանքավայրում (տեղամասում) կոնդիցիաները և պաշարները ենթարկել վերագնահատման և ներկայացնել լիազորմարմնի վերահաստատմանը.

3.4.21 ընդերքօգտագործման իրավունքի ժամկետը լրանալուց հետո կամ դրանից հրաժարվելու դեպքում իր տնօրինման տակ գտնվող երկրաբանական տեղեկությունը 3 ամսվա ընթացքում սահմանված կարգով հանձնել լիազորմարմնին.

3.4.22 տեղեկացնել ընդերքօգտագործման իրավունքի իրավահաջորդության մասին լիազորմարմնին վերակազմակերպման գրանցման պահից 14 օրվա ընթացքում.

3.4.23 սկսել աշխատանքները սահմանված կարգով հողհատկացման իրավունքի տրամադրումից հետո.

3.4.24 թույլատրել լիազորմարմնին ստուգման նպատակով անարգել մուտք գործելու գրասենյակային, արտադրական, պահեստային, լաբորատոր և այլ տարածքներում ստորաբաժանումներ.

3.4.25 տրամադրել լիազորմարմնին ստուգման ընթացքում պահանջվող փաստաթղթեր, տվյալներ, բացատրություններ, տեղեկանքներ, ինչպես նաև թույլատրել վերցնելու փորձանմուշներ, կատարել կապրակնքում և չափագրումներ, որոնք անմիջականորեն առնչվում են ստուգման նպատակներին.

3.4.26 կատարել Հայաստանի Հանրապետության օրենքներով սահմանված բոլոր պարտականությունները.

3.4.27 նախքան հանքավայրի շահագործման նախագծի 1-ին փուլի /5.3 տարի/ ժամկետի ավարտը մշակել և օրենսդրությամբ սահմանված կարգով փորձաքննության ներկայացնել հանքավայրի շահագործման հաջորդ փուլի աշխատանքային նախագիծը:

Սույն կետում նշված ժամկետում`

ա/շահագործման նախագծի ներկայացումից և օրենսդրությամբ սահմանված փորձաքննության ներքին դրական եզրակացությունների ստացումից հետո կողմերը սույն պայմանագրում կատարում են համապատասխան փոփոխություններ.

բ/սույն կետով սահմանված կարգով և ժամկետում շահագործման նախագիծ չներկայացնելու, կամ ներկայացված նախագծի` օրենսդրությամբ սահմանված փորձաքննության ներքին դրական եզրակացությունները չստանալու դեպքում, այդ ժամկետի ավարտին դադարում է սույն պայմանագրի գործողությունը/

#### **4. Զգուշացում**

4.1 Լիազոր մարմինը, օրենսգրքի 30-րդ հոդվածի համաձայն, կարող է ընդերքօգտագործողին տալ զգուշացում, եթե նա՝

4.1.1 չի կատարում օրենսգրքով նախատեսված պարտավորությունները.

4.1.2 չի կատարում ընդերքօգտագործման իրավունքի պայմանները, այդ թվում՝ պայմանագրով, նախագծով ընդերքօգտագործման իրավունքով նախատեսված իր պարտավորությունների իրականացմանն առնչվող պայմանները՝ բացառությամբ օրենսգրքով սահմանված դեպքերի.

4.1.3 չի վճարել օրենքով նախատեսված վճարները՝ սահմանված օրվանից մեկ ամսվա ընթացքում:

4.2 Լիազոր մարմինն իրավունք չունի որոշում ընդունել ու ընդերքօգտագործման իրավունքի դադարեցման մասին, եթե իրավունք կրողը զգուշացման մասին ծանուցումը ստանալուց հետո՝ ոչ ավելի, քան 90 օրվա ընթացքում վերացրել է նշված հիմքերը:

## **5. Հաշվետվություններ և տեղեկություններ**

5.1 Ընդերքօգտագործման իրավունք կրողը Լիազոր մարմին օրենսգրքով, այլ օրենքներով սահմանված կարգերով պարտավոր է ներկայացնել հետևյալ հաշվետվությունները և տեղեկությունները՝

5.1.1 ընդերքօգտագործման բնագավառում բնօգտագործման վճարների հաշվարկ-հաշվետվություններ.

5.1.2 օգտակար հանածոների պաշարների տարեկան հաշվետվություններ (5-ՕՅՊՅ).

5.1.3

5.2 Հաշվետվությունների ձևերի փոփոխման դեպքում Լիազոր մարմինը պարտավոր է այդ մասին տեղեկացնել ընդերքօգտագործողին՝ փոփոխությունների կատարման պահից մեկամսյա ժամկետում:

5.3 Ընդերքօգտագործողը սահմանված վճարների վերաբերյալ տեղեկատվությունը Լիազոր մարմին է ներկայացնում Հայաստանի Հանրապետության օրենսդրությամբ նախատեսված ժամկետներում, կարգով և ձևով:

## **6. Պայմանագրի ուժի մեջ մտնելը, գործողության ժամկետը և լուծումը**

6.1 Պայմանագիրն ուժի մեջ է մտնում կնքման պահից և գործում է թույլ տվողական գործողության ամբողջ ժամանակահատվածում, եթե պայմանագրով սահմանված հիմքերով պայմանագիրը վաղաժամկետ չի լուծվել:

6.2 Պայմանագիրը գործում է նաև ժամկետի կամ թույլ տվողությամբ տրամադրված ընդերքի տեղամասի սահմանված կարգով փոփոխության դեպքում: Եթե երկարաժամկետ է թույլ տվողական պայմանների փոփոխությամբ, ապա պայմանագիրը շարունակում է գործել՝ հաշվի առնելով այդ փոփոխությունները:

6.3 Պայմանագիրը կարող է լուծվել՝

6.3.1 Լիազոր մարմնի նախաձեռնությամբ՝ ընդերքօգտագործողի կողմից պայմանագրի դրույթների խախտման դեպքում.

6.3.2 ընդերքօգտագործողի նախաձեռնությամբ՝ ընդերքօգտագործողի կողմից ընդերքօգտագործման իրավունքի

օբյեկտ հանդիսացող ընդերքի ամբողջ տեղամասից հրաժարվելու դեպքում դիմում ներկայացնելու և լիազոր մարմնի կողմից հրաժարման հավաստագիր տրամադրելու դեպքում:

6.3.3 թույլ տվող թյան ժամկետի ավարտի դեպքում:

6.4 Լիազոր մարմնի կողմից թույլ տվող թյունն օրենսգրքով սահմանված դեպքերում և կարգով վաղաժամկետ դադարեցվելու դեպքում պայմանագիրը համարվում է լուծված:

## **7. Պայմանագրում փոփոխություն և կատարելու հիմքերը**

Լրահետափուլ գման և (կամ) շահագործական հետափուլ գման արդյունքում հանքավայրում պաշարների էական փոփոխության, հանքավայրի լեռնատեղակայության, տեխնիկա տեսակական պայմանների զգալի փոփոխման դեպքում ընդերք օգտագործողի առաջարկությամբ լիազոր մարմինը կարող է ընդերք օգտագործման իրավունքը ձևավորող փաստաթղթերում կատարել համապատասխան փոփոխություններ: Հանքավայրի շահագործման փոփոխված պայմանները ներկայացվում են առանձին (հավելված ---):

## **8. Անհաղթահարելի ուժի, ինչպես նաև կողմերի գործունեության հետջ կապված դեպքեր**

Պայմանագրով պարտավորություններն ամբողջությամբ կամ մասնակիորեն չկատարելու դեպքում կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են՝ հրդեհների, ջրհեղեղների, երկրաշարժերի, փոթորիկների կամ այլ բնական աղետների, ինչպես նաև պայթյունների, պատերազմի, ահաբեկչության, քաղաքացիական պատերազմի, անկարգությունների, ապստամբության, ազգայնացման և այլ դեպքեր, որոնք անհնարին են դարձնում սույն պայմանագրով նախատեսված պարտավորությունների կատարումը:

## **9. Վեճերի լուծումը**

Պայմանագրի կատարման ընթացքում կողմերի միջև առաջացած վեճերը լուծվում են բանակցությունների միջոցով: Համաձայնություն ձեռք չբերվելու դեպքում վեճերի լուծումը կատարվում է դատական կարգով:

## **10. Ծանուցում**

Պայմանագրի գործողության ընթացքում կողմերի միջև ծանուցումները, հաղորդումները կատարումը համարվում է պատշաճ, եթե կատարված է գրավոր և տրված է առձեռն, կամ ուղարկված է պատվիրված նամակով կամ էլեկտրոնային



փոստով կամ կատարված է փոխանցում ֆաքսի միջոցով կողմի ստորև նշված հասցեով կամ այդ նպատակով կողմի նշած մեկ այլ հասցեով, ընդ որում յուրաքանչյուր դեպքում պետք է առկա լինի գրավոր ստացական, որը կարող է փոխանցվել էլեկտրոնային փոստի կամ ֆաքսի միջոցով:

## 11. Այլ դրույթներ

11.1 Սույն պայմանագրի հավելվածները կազմում են նրա անբաժանելի մասը.

11.2 Սույն պայմանագիրը կազմված է 3 օրինակից՝ հայերեն լեզվով, որոնք ունեն հավասարազոր իրավաբանական ուժ.

11.3 Պայմանագրին կցվում է հավելված՝ N 1- ֆինանսական առաջարկները և ընդերքօգտագործման վճարները 2 էջից:  
հավելված N 2 – -:

## 12. Կողմերի գտնվելու վայրը, բանկային վավերապայմանները և ստորագրությունները

Լիազոր մարմին ՀՀ Էներգետիկայի և բնական պաշարների նախարարություն

ՀՀ, Երևան 0010, Հանրապետության հրապարակ, Կառավարության տուն 2

(փոստային դասիչը, գտնվելու վայրը)

հեռ.521-964, ֆաքս՝ (37410) 526-365; Ֆին. նախ. գործառն. վարչ. հ/հ900011009082

(հեռախոսահամարները, հեռագրային դասիչները, հաշվարկային հաշիվ)

Ընդերքօգտագործող , « ՄԱՐՋԱՆ ՄԱՅՆԻՆԳ ՔՈՄՓԱՆԻ » ՍՊԸ

ՀՀ ք. Երևան Զարոբյան1/1

(փոստային դասիչը, գտնվելու վայրը,)

37410 58.98.46 ՀՎՀՀ01569837

(հեռախոսահամարները, հեռագրային դասիչները, հաշվարկային հաշիվ, հարկային կոդը)

**ՀՀ ԷՆԵՐԳԵՏԻԿԱՅԻ ԵՎ ԲՆԱԿԱՆ**

**ՊԱՇԱՐՆԵՐԻ ՆԱԽԱՐԱՐ՝**

**ԸՆԴԵՐՔՕԳՏԱԳՈՐԾՈՂ՝**

**« ՄԱՐՋԱՆ ՄԱՅՆԻՆԳ ՔՈՄՓԱՆԻ » ՍՊԸ**

(կազմակերպության անվանումը)



ԱՐՄԵՆ ՄՈՎՍԻՍՅԱՆ

(անունը, ազգանունը)

ԱՇՈՏ ՊՈՂՈՍՅԱՆ

(անունը, ազգանունը)

  
\_\_\_\_\_  
(թիվը)  
  
« 07 » July 2013թ.

  
\_\_\_\_\_  
(ստորագրությունը)  
  
« 07 » July 2013թ.  
Կ.Տ.

## **ՖԻՆԱՆՍԱԿԱՆ ԱՌԱՋԱՐԿՆԵՐԸ ԵՎ ԸՆԴԵՐՔՕԳՏԱԳՈՐԾՄԱՆ ՎՃԱՐՆԵՐԸ**

### **1. Ընդերքօգտագործողի կողմից օգտակար հանածոների արդյունահանման նպատակով ֆինանսական առաջարկներ**

1.1 Ընդերքօգտագործողի կողմից հանքավայրի շահագործման նպատակով նախատեսվում է իրականացնել շուրջ 3 մլրդ 656մլն դրամի ներդրումներ:

### **2. Պետական տուրքի և ընդերքօգտագործման վճարներ**

2.1 ընդերքօգտագործման դիմաց ընդերքօգտագործողների կողմից Հայաստանի Հանրապետության պետական բյուջե վճարում են պարտադիր վճարներ (բնապահպանական, բնօգտագործման կամ ռոյալթի)՝ «Բնապահպանական և բնօգտագործման մասին» Հայաստանի Հանրապետության օրենքով սահմանված կարգով և չափով.

2.2 ընդերքօգտագործման թույլտվության դիմաց ընդերքօգտագործողների կողմից Հայաստանի Հանրապետության պետական բյուջե վճարվում է տարեկան պետական տուրք՝ համաձայն «Պետական տուրքի մասին» Հայաստանի Հանրապետության օրենքով սահմանված կարգով և չափով:

### **3. Բնության և շրջակա միջավայրի դրամագլուխ և օգտակար հանածոյի արդյունահանված տարածքի, արդյունահանման ընթացքում առաջացած արտադրական լցակույտերի տեղադիրքի և դրանց հարակից համայնքների բնակչության անվտանգության և առողջության ապահովման նպատակով մշտադիտարկումների վճարներ**

3.1 ընդերքօգտագործման դիմաց ընդերքօգտագործողների կողմից բնության և շրջակա միջավայրի դրամագլխի վճարներ՝ Հայաստանի Հանրապետության օրենսդրությամբ սահմանված չափով և վճարման կարգով.

3.2 օգտակար հանածոյի արդյունահանված տարածքի, արդյունահանման ընթացքում առաջացած արտադրական լցակույտերի տեղադիրքի և դրանց հարակից համայնքների բնակչության անվտանգության և առողջության ապահովման նպատակով մշտադիտարկումների վճար՝ Հայաստանի Հանրապետության օրենսդրությամբ սահմանված չափով և վճարման կարգով.

3.3 բնապահպանական աշխատանքների իրականացման համար դրամագլխից ընդերքօգտագործողին տրամադրվող գումարը չի կարող գերազանցել ընդերքօգտագործողի կատարած հատկացումների չափը.

3.4 օգտակար հանածոների արդյունահանման նախագծով նախատեսված միջոցառումների կատարումից հետո ընդերքօգտագործողի կողմից բնության և շրջակա միջավայրի պահպանության դրամագլխին վճարված գումարի մնացորդը վերադարձվում է ընդերքօգտագործողին:

**ՀՀ ԷՆԵՐԳԵՏԻԿԱՅԻ ԵՎ ԲՆԱԿԱՆ  
ՊԱՇԱՐՆԵՐԻ ՆԱԽԱՐԱՐ՝**


**ԸՆԴԵՐՔՕԳՏԱԳՈՐԾՈՂ՝**

**«ՄԱՐԶԱՆ ՄԱՅՆԻՆԳ ՔՈՄՓԱՆԻ» ՓԲԸ**  
(կազմակերպության անվանումը)

ԱՐՄԵՆ ՄՈՎՍԻՍՅԱՆ  
(անունը, ազգանունը)

ԱՇՈՏ ՊՈՂՈՍՅԱՆ  
(անունը, ազգանունը)

  
  
« *Մ* » 2013թ.  
Կ.Տ.

  
(ստորագրությունը)  
« *ՕԴ* » 2013թ.  
Կ.Տ.

ՀԱՏՈՒԿ ՊԱՅՄԱՆ

Ընդերքօգտագործողը պարտավորվում է

1. Մարջանի ոսկի-բազմամետաղային հանքավայրի պաշարների վերագնահատման աշխատանքների ավարտից հետո երկրաբանատնտեսագիտական նոր արդյունքների հիման վրա սահմանված կարգով պաշարները հաստատելուց հետո կազմել և ներկայացնել հանքավայրի ողջ պաշարների շահագործման նոր նախագիծ:
2. Հանքավայրի շահագործման նոր նախագծի կազմման վերաբերյալ ներկայացնել ժամանակացույց:

ՀՀ ԷՆԵՐԳԵՏԻԿԱՅԻ ԵՎ ԲՆԱԿԱՆ  
ՊԱՇԱՐՆԵՐԻ ՆԱԽԱՐԱՐ՝

ԱՐՄԵՆ ՄՈՎՍԻՍՅԱՆ  
(անունը, ազգանունը)

(ստորագրությունը)

«ՕԴ» ընդհանուր 2013թ.  
Կ.Տ.

ԸՆԴԵՐՔՕԳՏԱԳՈՐԾՈՂ՝

«ՄԱՐՋԱՆ ՄԱՅՆԻՆԳ ՔՈՄՓԱՆԻ» ՍՊԸ  
(կազմակերպության անվանումը)

ԱՇՈՏ ՊՈՂՈՍՅԱՆ  
(անունը, ազգանունը)

(ստորագրությունը)

«ՕԴ» ընդհանուր 2013թ.  
Կ.Տ.

**ՓՈՓՈԽՈՒԹՅՈՒՆ**  
**ՕԳՏԱԿԱՐ ՀԱՆԱԾՈՅԻ ԱՐԴՅՈՒՆԱՀԱՆՄԱՆ ՆՊԱՏԱԿՈՎ**  
**ԸՆԴԵՐՔՕԳՏԱԳՈՐԾՄԱՆ 2013 ԹՎԱԿԱՆԻ ՄԱՐՏԻ 7-Ի ԹԻՎ ՊՎ-398**  
**ՊԱՅՄԱՆԱԳՐԻ**

ք. Երևան

«Թ» սեպտեմբեր 2016 թ.

Հայաստանի Հանրապետության էներգետիկայի և բնական պաշարների նախարարությունը՝ ի դեմս նախարար Լևոն Յոլյանի, որը գործում է Հայաստանի Հանրապետության անունից, իր լիազորությունների սահմաններում (այսուհետ՝ լիազոր մարմին) ի կատարումն՝ Հայաստանի Հանրապետության վարչապետի 2016 թվականի մայիսի 23-ի թիվ 02/01.24/7167-16 հանձնարարականի մի կողմից և «ՄԱՐՋԱՆ ՄԱՅՆԻՆԳ ՔՈՄՓԼԵՒ» ՍՊԸ-ն (այսուհետ՝ ընդերքօգտագործող) ի դեմս տնօրեն Աշոտ Պողոսյանի, որը գործում է ընկերության կանոնադրության հիման վրա, մյուս կողմից, երկուստեք միասին (այսուհետ՝ կողմեր) փոխադարձ համաձայնության եկան «Օգտակար հանածոյի արդյունահանման նպատակով ընդերքօգտագործման» 07.03.2013թ. թիվ ՊՎ 398 պայմանագրում (այսուհետ՝ պայմանագիր) կատարելու հետևյալ փոփոխությունները և լրացումները.

1. պայմանագրի «2. Պայմանագրի առարկան» բաժնի.

1) 2.1 կետում՝ «....2009 թվականի փետրվարի 20-ից 5.3 տարի ժամկետով (հիմք ընդունելով ՀՀ վարչական վերաքննիչ դատարանի ՎԴ/3361/05 վարչական գործով 2011 թվականի դեկտեմբերի 12-ի որոշումը, ուժի մեջ մտած ՀՀ վճռաբեկ դատարանի 2012 թվականի փետրվարի 2-ի որոշմամբ)» բառերը փոխարինել՝ «....2016 թվականի սեպտեմբերի 1-ից 3.4 տարի ժամկետով» բառերով,

2) պայմանագրի 2.1 կետի 1-ին պարբերությունից հետո լրացնել նոր պարբերություն հետևյալ բովանդակությամբ.

«Սույն կետով սահմանված ժամկետի (3.4 տարին) մեկնարկը սկսել ընդերքօգտագործողի կողմից նախատեսված /պոչամբարի, վերամշակման ֆաբրիկայի կառուցում/ աշխատանքները ավարտելուց հետո: Նշված աշխատանքների կատարման ժամկետը չի կարող գերազանցել 3 տարին: Սույն պարբերությամբ նախատեսված աշխատանքների վաղաժամկետ ավարտի դեպքում պայմանագրի 2.1 կետով սահմանված ժամկետի մեկնարկը սկսել ընդերքօգտագործողի դիմումի համաձայն աշխատանքների ավարտմանը հաջորդող օրվանից:

2. Պայմանագրի «3. Կողմերի իրավունքները և պարտականությունները» բաժնի՝

1) 3.1.2 կետում «համաձայն» բառից հետո լրացնել «բացառությամբ պայմանագրի 8-րդ կետով սահմանված դեպքերի» բառերը,

2) բաժինը լրացնել 3.3.9 կետով հետևյալ բովանդակությամբ.

«3.3.9 ՀՀ ընդերքի մասին օրենսգրքով սահմանված այլ իրավունքներ:»,

3) 3.4.27 կետի առաջին պարբերությունը շարադրել հետևյալ խմբագրությամբ.  
«Նախքան հանքավայրի շահագործման նախագծի 1-ին փուլի (3.4 տարի) ժամկետի ավարտը՝ մշակել և օրենսդրությամբ սահմանված կարգով փորձաքննության ներկայացնել հանքավայրի շահագործման հաջորդ փուլի աշխատանքային նախագիծը սույն պայմանագրի հավելված 2-ով սահմանված աշխատանքների կատարման ժամանակացույցի պահանջների և ժամկետների ապահովմամբ:» և երկրորդ պարբերությունում «նշված ժամկետում» բառերը փոխարինել «նախատեսված ժամկետում» բառերով,

4) բաժինը լրացնել 3.4.28 կետով հետևյալ բովանդակությամբ.  
«3.4.28. ընկերության էլեկտրոնային փոստի, իրավաբանական անձի փոստային հասցեի փոփոխումից հետո յոթ օրվա ընթացքում տեղեկացնել լիազոր մարմնին:»:

3.Պայմանագրի «4.Ձգուշացում» բաժինը լրացնել «4.3» կետով հետևյալ բովանդակությամբ.

«4.3 Ընդերքօգտագործման իրավունքի դադարեցումը ուժի մեջ չի կարող մտնել, քանի դեռ ավարտված չեն ընդերքօգտագործման իրավունք կրողի նկատմամբ վերջինիս իրավունքների հետ կապված դատավարական սկսված գործընթացները»:

4.Պայմանագրի «12.Կողմերի գտնվելու վայրը, բանկային վավերապայմանները և ստորագրությունները» բաժինը լրացնել՝ «ընդերքօգտագործողի պաշտոնական էլեկտրոնային փոստի՝ [info@ggm.am](mailto:info@ggm.am) հասցեն» տողով և «ՀՀ, քաղաք Երևան, Ջարոբյանի 1/1» բառերը փոխարինել «ՀՀ, քաղաք Երևան, Գրիբոյեդով 60» բառերով:

5. Պայմանագրի հավելված 2-ի «Հատուկ պայման»-ի 2-րդ կետը շարադրել հետևյալ խմբագրությամբ.

«2. ապահովել սույն «Հատուկ պայման»-ին կից <<ժամանակացուցով>> սահմանված աշխատանքների ժամանակին կատարումը»:

6. Պայմանագրի սույն փոփոխությունները և լրացումները ուժի մեջ են մտնում ստորագրման պահից և հանդիսանում են՝ «Օգտակար հանածոյի արդյունահանման նպատակով ընդերքօգտագործման» 07.03.2013թ. թիվ ՊՎ-398 պայմանագրի անբաժանելի մասը:


ՀՀ ԷՆԵՐԳԵՏԻԿԱՅԻ և ԲՆԱԿԱՆ  
ՊԱՇԱՐՆԵՐԻ ՆԱԽԱՐԱՐ

ԸՆԴԵՐՔՕԳՏԱԳՈՐԾՈՂ՝  
«ՄԱՐԶԱՆ ՄԱՅՆԻՆԳ ՔՈՄՓԱՆԻ» ՍՊԸ

ԼԵՎՈՆ ՅՈՒՅԱՆ

ԱՇՈՏ ՊՈՂՈՍՅԱՆ

  
07.09.16թ.

  
07.09.16թ.

**Ժ Ա Մ Ա Ն Ա Կ Ա Ց ՈՒ Յ Ց**

07.03.2013 թվականի N ՊՎ-398 ընդերքօգտագործման պայմանագրի հավելված 2-ի  
(Հատուկ Պայման կետ 2)

ք. Երևան

07.09.16թ.

1. Մարջանի ոսկի-բազմամետաղային հանքավայրի պաշարների վերազնահատման աշխատանքների երկրաբանատնտեսագիտական հաշվետվությունը՝ օգտակար հանածոների պաշարների հաշվարկմամբ, ներկայացնել ՀՀ էներգետիկայի և բնական պաշարների նախարարության (այսուհետ՝ Նախարարություն) աշխատակազմի Օգտակար հանածոների պաշարների գործակալություն (այսուհետ՝ Գործակալություն):

Ժամկետ՝ մինչև 12 ամիս:

2. Գործակալությունից օրենսդրությամբ սահմանված պահանջների ապահովմամբ ստանալ ընդերքաբանական փորձաքննության եզրակացություն հանքավայրի պաշարների հաստատման մասին:

Ժամկետ՝ մինչև 12 ամիս:

3. Օգտակար հանածոյի պաշարների հաստատումից հետո, Մարջանի ոսկի-բազմամետաղային հանքավայրի արդյունահանման նախագիծը ներկայացնել լիազոր մարմին:

Ժամկետ՝ մինչև 12 ամիս:

4. Սույն ժամանակացույցը հանդիսանում է 07.03.2013թ. թիվ ՊՎ-398 ընդերքօգտագործման պայմանագրի <Հատուկ պայման>-ի բաղկացուցիչ մաս և կազմում է նշված պայմանագրի անբաժանելի մաս:

ՀՀ ԷՆԵՐԳԵՏԻԿԱՅԻ և ԲՆԱԿԱՆ  
ՊԱՇԱՐՆԵՐԻ ՆԱԽԱՐԱՐ

ԸՆԴԵՐՔՕԳՏԱԳՈՐԾՈՂ՝

<<ՄԱՐՋԱՆ ՄԱՅՆԻՆԳ ՔՈՄՓԱՆԻ>>

ԼԵՎՈՆ ՅՈԼՅԱՆ

ՍՊԸ  
ԱՇՈՏ ՊՈՂՈՍՅԱՆ

*Ս. Յոլյան*

*Ա. Պոլոսյան*

